



Naaja Nathanielsen, Inatsisartuni ilaasortaq, Inuit Ataqatigiit
/-Maani

20. december 2011

**Qorlortorsuarmi aningaasartuutit pillugit isumaqatigiissitsiniarnermut § 37
naapertorlugu apeqqummut akissut**

Sagsnr. 2011-059120

Dok. Nr. 789000

Postboks 909

3900 Nuuk

Tlf. (+299) 34 50 00

Fax (+299) 34 54 10

E-mail: iaan@nanoq.gl

www.nanoq.gl

Asasara Naaja

Apeqqutitit pillugit qujanaq, taakkulu matuma kinguliani ataasiakkaarlugit
akissuteqarfigissavakka:

1) Qorlortorsuarmi erngup nukinganik innaallagissiorfiliornermi saqitsaassutaasup
aningaasartuutissai soq akitsuinikkut aningaasalersorniarneparpat?

Akissut:

Tunngavissatut maanna innaallagissamut imermullu akeqartitseriaatsimi illoqarfiit
nunaqarfiillu tamarmik akit, tunngaviummik illoqarfinni nunaqarfinnilu ataasiakkaani
pilersuinerneq aningaasartuutitut naapertuuttussaapput.

Akit ersarinnissaannik, taamaalillunilu inuiaqatigiit aningaasaqarnerat eqqarsaatigalugu
pilersuinerneq aningaasartuutaasartut atuisunit ilisimaneqarnissaannik kissaateqarneq
tunngavigalugu, tunngavigisap taassuma atorneqarnissaa aalajangiunneqarsimavoq.
Aningaasartuutiviusut tunngavigalugit akeqartitsinerneq suliaasaqarfiit assigiinngitsut
akornanni taperseeqatigiissitsinissaq killilerneqartarpoq, aammalu atuisut
inuussutissarsiutinillu ingerlataqartut atuinerminnik najukkami aningaasartuutitut
naleqqussaanissaannut kajumissaarneqartarlutik.

Narsaq Qaqortorlu Qorlortorsuarmi erngup nukinganik innaallagissiorfimmit
innaallagissamik pilersorneqarmata, 2006-imi nalunaarummi innaallagissamut, imermut
ataatsimullu kiassarnerneq aningaasartuutit agguarneqarnissaannut tunngavissanik
aalajangersaasarnermut maleruagassat malillugit, illoqarfinni marluusuni taakkunani
atuisut innaallagissamut akiliisarnemikkut suliamut aningaasartuutit akilertussaavaat.

Nukissiorfiit suliamik ingerlatsisuunerat naggataagut atuisut soqutigisaannut
iluaqutaasussaavoq, suliamut aningaasartuutit ilaatigut erngup nukinganik
innaallagissiorfiup sananeqarneranut akiligassat ilassutigisinnaasaannik killiliiniarnerneq
atorneqartussaammata. Saniatigut akiligassanngorsinnaasut taakku aamma Narsami
Qaqortumilu atuisut akilertussanngortussaavaat.

Tamanna aamma siusinnerusukkut sulianut tassunga assingusunut
assingulluinnartuuvoq. Siusinnerusukkut entreprenørinut saqitsaassuteqarnerit pillugit
suliasartut naatsorsuutitut akinullu tunngasortaataat taamatut isumagineqartarsimapput.

Taamaattumik suliami matumani aningaasartuutit qanoq agguarneqarnissaannut tunngavissanik allannguisoqassappat, tamanna isornartoqartinneqartussaavoq.

2) Sooq Qaqortumi Narsamilu atuisut Qorlortorsuarmi engup nukinganik innaallagissiorfiliormi saqitsaassutaasup aningaasartuutissaanut kisimik akiliisussaappat? Nukissiorfik isumaqarpat innuttaasunit akilerneqassasoq, sooq Nukissiorfiup atuisuinit tamanit tamanna akilerneqassanngila? Saqitsaassutaasormi Qaqortumi Narsamilu atuisunit akisussaaffigineqanngilaq.

Akissut:

Matuma siuliani taaneqareersutut aningaasartuutit agguarneqarnerini akit ilusaannut tunngaviusut maleruagassallu malinneqartussaapput. Taamaattumik tamatumani Nukissiorfiit tungaanniit toqqaasoqanngilaq.

Kisiannili ilumoorluinnarputit, Narsami Qaqortumilu innuttaasut isumaqatigiissitsiniarluni suliamut akisussaasuunngimmata. Taamatutaaq siunissami sumiiffiit assigiinngitsut akornanni aningaasartuutininik agguasarnermik allamik atuisoqartariaqarnera tunngavilersorneqarluarsinnaavoq. Kisiannili tamanna pissappat akit ilusaat maanna atorneqartut allanngortinneqartariaqassapput, apeqquilli politikikkut suliarineqartariaqarpoq.

Atorfiliittama Nukissiorfiit suleqatigalugit akit ilusaat maanna atorneqartut Inatsisartuni suliarineqartussanngorlugit iluarsaappaat. Suliami tassani Akileraartarnermut Atugarissaarnermullu Ataatsimiititaliap inassuteqaataannut Naalakkersuisut isummernissaat suliami matumani aallaavigineqarpoq. Tamatuma saniatigut akit ilusaat nutaat ullumikkornit akit naatsorsorneqartarnerinik ersarinnerulersitsinissamut akillu ineriartornerisa allanngorannginnerulernissaannut siuarsaataassapput.

Tamatumunnga peqatigitillugu aamma erseqqissaatigerusuppara, akit ilusaat maanna atorneqartut atorlugit suli najugaqarfiit assigiinngitsut akornanni nammaqatigiinneq annertoq atoratsigu. 2012-imi akit annerpaaffiat kWh-mut 3,33 koruuniusussaammat, atuisunut akit naggataagut qaffasippallaalinnginnissaat qulakkeerneqarpoq. Tassalu Narsami Qaqortumilu 2012-imi aningaasartuutiviusut tunngavigalugit akit kWh-mut 3,59 koruuniusussaasimagaluarpoq.

3) Nukissiorfiit saqitsaassutaasumi ajugaassagaluarpat, Qaqortumi Narsamilu atuisut utertoortinneqalersaarpat?

Akissut:

Suliaq manna suli ingerlammat, soorunami isumaqatigiissitsiniarluni suliaq, taassumaluunniit inernissaa toqqaannartumik oqaaseqarfigisinnaanngilara. Kisiannili ullumikkut akeqartitseriaatsimi tunngaviusut oqaaseqarfigisinnaavakka. Suliami matumani Nukissiorfiit taparserneqassappata, aammalu suliamut aningaasartuutininik ilaannik akiliisussanngortinneqassappata, tamanna aamma agguaanissamut naatsorsuutininut ilaatinneqartussaavoq, aammalu atuisunut iluaqutissanngortinneqartussaalluni.

Inussiarnersumik inuulluaqqusillunga

Jens B. Frederiksen